



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

§. L. Orationis & Conjunctionis cum Deo studium.

[urn:nbn:de:hbz:466:1-47773](https://nbn-resolving.de/urn/resolver.pl?urn=urn:nbn:de:hbz:466:1-47773)

poris quām animi, defendendi ac tuendi curam quodammodo suscepit; & idcirco animos mihi addi sensi ad vicissim, grati animi titulo, supiciendam in me causam DEI adversus illos, qui volunt injuriam inferre DEO, sicut ille causam meam agit contra illos, qui offendunt me. Videatur hæc mihi ratio sufficiens ad impellendum me, ut animas juvem, & errantes reducam in viam. *Qui tangit vos, tangit pupillam oculi mei*, dicit ad Servos suos DEUS. Quis proin satis exprimat ingens illud studium & curam, quam pro nobis habet, defendendo nos promptis semper armis contra hostes, & qui videntur, & qui non videntur? Tale & nostrum in causa DEI studium, tantus esse ardor debet contra quoslibet ejus hostes, Christianos perversos, Hæreticos, Ethnicos &c. *Ponam Zelum meum in te*; hæc est suavis promissio, quam facit mihi DEUS per Ezechiem; cui ego aliud reponere nihil possum, aut debo; quām *Zelus Domus tua comedit me.*

## §. L.

*Orationis & Conjunctionis cum DEO studium.*

**P**roprium amantium est, velle semper agere cum amo-  
to, & cum eo conversari. Idcirco qui magno DEI  
amore exarsit, videtur non posse avelli ab Oratione, in  
qua suaviter conversamur cum DEO, ut Apostolus innuit  
in verbis: *Nostra conversatio in celis est.* Huic autem sacræ  
Orationis exercitationi tam erat addictus P. Paulus, ut nul-  
lis limitibus tempus illi dandum definitum esset, sed præter  
horam statam matutinam, reliquum omne diei tempus,  
quod vel literarum studia, vel negotia cum proximis, sibi  
non

non vindicabant, illi daret. Et testantur Socij, quos habuit, plerumque invenisse se illum orantem in medio sui cubiculi, nec raro ita absorptum in DEO, ut aliquamdiu non adverteret, an aliquis, aut quis cubiculum esset ingressus. Quodsi nonnunquam commendare DEO debebat magni momenti negotium, maximè quod totam nostram Societatem spectaret, erga quam semper tenerè & intimè afficiebatur, totas noctas orationi dabat. Etsi, ut dicamus quod res est, etiam quando interdiu aut deambulabat, aut quidvis aliud factitabat, semper altiora animo agitare videbatur, satisque prodebat tota agendi ratione; versari semper sibi ante oculos DEUM, illudque præceptum ad amissim ipsum implere: *oportet semper orare, & nunquam deficere.* Ad hanc porro orationis familiaritatem ratione quadam valde singulari à DEO vocari se sensit, ut alicubi in suis illi schedias natis scriptum reliquit. Videbatur mihi, inquit, in claro admodum lumine, omnem meam negotiationem constitutam esse debere in studio orationis, cum omnibus, quæ nunc circa me geruntur, consideratis, judicarem, hoc planè esse, quod DEUS à me fieri vellet. Egi proin illi magna quadam animi teneritudine gratias, quod me elegerit ad tantam dignationem agendi & conversandi cum ipso quam familiissimè, et si ego nihil unquam tanto dignum favore egerim: & si hæc, juxta illud: *Maria optimam partem elegit, quæ non auferetur ab ea:* appellanda est pars optima, certo quodam modo veniam à DEO petij, si ego vermis vilissimus in illa conquiescam: nec enim ego illam elegi; sed ipse est, qui me ad illam elegit.